

太醫局諸科程文卷七

太義第一道

問吾主知天文下知地理天地夫人教吾禁畜龍禁疫鬼

對惟吾身于天地能通文理之機故天地之夫人教吾禁疫鬼之法且天有文華而列于穹窿地有井理而處于磅礴人居覆載之中位在氣交之分仰觀于天也上則可以知其文俯察于地也下則可以知其理四時有疫鬼之氣故天后教吾以禁名一歲有瘟癘之邪故地后授吾以禁法斷疵癘以消除辟瘟疫

以退散以其能窮天地之機故天地夫人教我以禁疫之法矣經曰吾上知天文下知地理天地夫人教吾禁名能禁疫鬼其意若此原夫乾象穹窿非智淺之可測坤元廣博非悟性之難明測之者窮是理而靡所不知明之者達是道而無所不曉惟能得貫通之機故能傳禁呪之法今也天象昭垂地形厚載虹霓雲露日月星辰凡緯乎天者謂之文山嶽河海分野州域凡麗于地者謂之理天以文而列于上吾則仰觀而可知地以理而辟乎下吾則俯察而可盡是故天皇夫人教我以禁疫之名地皇夫人授我以去

邪之法苟疫鬼之干正或瘟氣之害真以至四時之
間氣序不調而非節一歲之內長幼有病而似同或
謂時行之氣亦名瘟疫之邪特此禁呪之法治其疫
癘之邪自非先聖有好生之德著書立篇流傳于後
世者其禁法何所自而有哉經曰夫道者上知天文
下知地理又曰天有八紀地有五里又下文曰六壬
六癸百鬼速出急急如律令又仲景曰一歲之內長
幼之病多相似者此則時行之氣也然則禁法之妙
固自本乎天地夫人之傳授則凡見行持作用之際
尤不可以不謹也謹對

第二道

問凡欲學禁先知五戒十善八忌四歸

對五戒十善凡學法則貴乎先明八忌四歸欲持禁必宜于備曉且法不可以易持禁不可以輕授戒總有五當持于未學之先善總有十欲知于未行之始妄不親于八忌亂不犯于四歸修德以持其身正已以參乎道由是萬物扶助則禁法通行而靈驗矣經曰凡欲學禁先知五戒十善八忌四歸其意若此嘗謂三才之間惟人最貴萬物之內有生最靈法清淨則與道合同謹齋戒則與人胥應于是神靈則禁無

不靈已正則法無不正此行法之道畢矣今也學禁
有要持戒爲先明之則清淨而禁法通行昧之則昏
濁而呪術徒用五戒宜避也如殺盜淫妄之類十善
可行也皆恭謹慈善之屬八忌者弗近于污濁四歸
者不犯于邪穢有戒有善貴知于欲學之初有忌有
歸當明于受持之始修身合道則萬神扶助而符禁
通靈正已無偏則衆聖獲持而呪術有驗或取于三
才之和或借于三光之氣誦神秘之密言嚙清淨之
法水將以禁病而病無不除施于禁邪而邪無不服
自非謹持于齋戒修治于形神則欲其禁法之行若

難矣經曰凡受符禁者皆清淨齋戒百日不得近死
亡產乳房室又曰凡持禁之法當齋戒百日精心不
行淫慾惟得清淨沐浴著新淨衣口常不出惡言罵
詈精思淨念勿生異想又曰皆能治此者萬物扶助
禁法乃行由是觀之不知戒謹則豈足以與語行禁
之法哉謹對

又大義第一道

問天陽在上人陽在中陰陽在地水從下流唾腫消
化

對禁陰陽之偏勝取三才陽氣之和呪水液之下流

散一身水腫之病且天屬陽而在上故陽中有陰地
屬陰而在上故陰中有陽夫人居天地之間形稟陰
陽之氣濕傷于外也故水濕浸潰而腫必生飲積于
中也故水液散漫而腫亦作禁之有法假三才純陽
而制其陰濕之害呪之有理使水濕下達而去其濡
潤之邪雖水腫之洪隆得呪唾而消化故知禁法之
妙其神捷之若是也經曰天陽在上人陽在中陰陽
在地水從下流唾腫消化其意如此嘗謂陽能制陰
陽能制陰者此陰陽之常理水曰潤下火曰炎上者
亦水火之自然明二氣之無偏達五行之妙用夫如

是則禁呪之術始可以語其機矣今也天處乎上本
積陽之所成故天雖陽也而肅肅之陰出焉地處乎
下由積陰之所致故地雖陰也而赫赫之陽發焉人
身法天而象地形體負陰抱陽惟均等而得于平治
無偏勝而底于平安今陰邪偏勝于身腫滿外見于
體或水濕之所致本濕傷而血氣不行或水飲之使
然由水勝而濕邪不散故聖人立禁腫之法取陽氣
于三才之分聖人設禁腫之言呪水流于至下之鄉
以陽和而至于濕邪故濕邪自釋卽流水而導其水
氣故水氣自行必也唾之則以正而去邪故腫無不

消嘆之則以平而卻病故腫無不化然則水腫之病
得其行禁法者效隨手驗病無不差矣經曰天有陰
陽地亦有陰陽又曰人之生也負陰而抱陽又曰足
脛腫曰水又曰濕勝則濡瀉甚則水閑肘腫洪範云
水曰潤下于以是而論呪禁之法啟自誠心之所感
非輕慢褻瀆之所學至于臨危施治以真氣相資以
正氣相輔腫毒之患烏能不效乎謹對

第二道

問六甲六乙邪鬼自出六丙六丁邪鬼入冥

對行禁法以治病呼天干水火之神卽正氣以去邪

逐肝心客忤之鬼蓋六甲六乙應木得于東方六丙六丁應火干于南位神存諸干假神化以去其邪干寓五方方資干德以祛其鬼倘肝魂不致外邪客忤于中心神稍虧使鬼氣凌干于內稱甲乙之木神則安其魂而邪出于外祝丙丁之火氣則保其神而鬼入于冥故鬼邪客忤之氣卽此而可禁矣經曰六甲六乙邪鬼自出六丙六丁邪鬼入冥之意夫天地區分皆五行之宰制人身兆立亦五行之斡旋得其常則爲正爲和失其常則爲邪爲病所以禁鬼之法故必取于五行祛病之功故必贊于十干若此者以天

地之正氣去人身之邪氣也是以五臟虧虛七神衰弱致外邪之浸傷受鬼氣之客忤其候則腹痛而吐利其症則氣衝而悶絕禁之有法心稱十干之神呪之有要必取五行之氣六甲六乙也則干屬東方之木六丙六丁也則干屬南方之火肝藏魂而屬木呼木則肝魂自安心藏神而法火贊火干而心神自安魂安于內逐邪氣而出體神守于中祛鬼厲而入冥舉而言之則其干有四通而論之則其干有十從類而應于五臟隨合而卻於外邪所以聖人禁客忤之鬼必取其十干之名何以言之下文曰六戊六巳邪

鬼自止六庚六辛邪鬼自分六壬六癸邪鬼自死急
急如律令又巢氏曰小鬼神氣軟弱忽有非常之物
或未識之人犯之與鬼神氣相忤而發病謂之忤客
也又曰人有魂魄衰弱者則爲鬼氣所犯忤又陰陽
書曰甲乙屬木丙丁屬火卽此觀之資天地五行之
氣去人身五臟之邪捨神禁之妙曷能至是哉謹對

第三道

問逢水難土王擊之

對若逢水難以戕其生必呼土王以致其擊益患處
異逢治擊同類或水運太過之年或水鬱暴發之際

臨深履危而偶值于洪濤登舟涉險而忽逢于流衍
遇見則乃爲水難禁法則擊以土王土王乃中央之
尊土盛則擊制于水如是則因其呪禁得以平之故
聖人流傳後世附于書禁之門以備一時悍禦之無
措也經曰逢水難土王擊之其意如此嘗謂在天爲
雨在地爲泉源因地而爲曲直因氣而成方圓至柔
也其流則有經趣下也其行則有理派分萬殊而所
適不同會于一流而所本有異善爲時雨使竭者枯
者皆得以被其澤若彼鬱發致苗者秀者因得以爲
其害何哉歲水太過鬱發暴行及于物而有霖霖驟

注之愆在于人而有漂泄沃涌之患以致臨險或逢于水厄登舟忽至于洪波出乎倉卒至于無措有祝禳之法可以脫難有書禁之法可以備急呼以土王擊其所勝水得土而乃平土制水而乃治庶可以免洪濤沒溺之虞因是以得全生安平之自所以土擊其水取夫相尅之義茲前賢流傳設爲書禁以備不測之難也內經曰太過何謂岐伯曰水曰流衍又曰水鬱之發陽氣乃辟陰氣暴舉又曰水得土而竭又陰陽書曰土尅水下文曰逢土難水王擊之逢力難陽精擊之由是禁法之行各有尅制之相擊要不可

以妄求也謹對

假令論方義一道

問假令千金翼方載太白仙人禁腫一法云一二三四五六七百腫皆疾出急急如律令竊詳腫之爲病固自不一無非有所壅結而成也今獨念此七字而令百腫皆疾出何以言之甚寡而效之甚速如此請論立法之意

對邪盛而正衰者受病之本始法簡而效著者行禁之神功蓋疾病兆作也能明根本之源則可以行治療之方禁呪施用也能通簡妙之法則可以臻急速

之效能明于此則太白仙人之禁腫一二至七之呪
言精意貫行之無有不驗者矣今觀前問假令千金
翼方載太白仙人禁腫一決云一二三四五六七百
腫皆疾出急急如律令竊詳腫之爲疾固自不一無
非有所壅結而成也今獨念此七字而令百腫皆疾
出何以言之甚寡而效之甚速如此請論立法之意
大哉簡易之法請得而論之矣嘗謂兩儀位乎上下
民庶處于中央感其正氣也則爲平而爲和受其邪
氣也則爲災而爲病故受病之始旣因邪氣之所致
則治病之法必假正氣而可除或施湯藥之功或行